

## Eanan- ja meahccedoalloministeriija ásahus

### Deanu čázádaga guollebivddus, mii vuodduuvvá Norggain dahkkon soahpamušii bivdolojiin jagi 2023

Eanan- ja meahccedoalloministeriija mearrádusa mielde mearriduvvo Deanu čázádaga guollebivddus Norggain dahkkon soahpamuša láhkaásahansuorgái gullevaš mearrádusaid fápmuibidjamis ja guoskadeamis addojuvvon lága (176/2017) 8 § 4 momeantta, 10 § 2–4 momeanttaid ja 11 § 3 momeantta vuodul:

#### 1 §

##### *Bivdolojiid haddemearrideapmi*

Suoma ja Norgga gaskkas Deanu čázádaga guollebivddus dahkkon soahpamuša (SopS 42/2017 ja 42/2017) guolástannjuolggadusa 4 § 4 čuoggás dárkkuhuvvon Suoma guolástanlohpedihtomeari gáddeguolástanlobiin berrojuvvo 20 euro guolástanjándormáksu. Gáddeguolástanlobiid guolástanáigodat lea geassemánu 15 beaivvi rájes gitta borgemánu 20 beaivvi rádjái 2023.

Ovdalis 1 momeanttas spiehkastahkan vuollel 18-jahkásačča lotnun gáddeguolástanlobis berrojuvvo 10 euro máksu.

Guolástanáigodagas 2023 lea dasa lassin ovddabealde 1 ja 2 momeanttas spiehkastettiin vejolaš laktit guolástanlobiide nuvttá ovttá dahje eambo mánnálobiid, mii vuoigadahtta eará guovllus go Deanu čázádaga johkalegiin fásta ássi vuollel 16-jahkásačča bivdit eanemusat ovttain stákkuin dahje giehtaduorgguin hávil. Mánnálohpi ii lohkkujuvvo lohpedihtomeriide guolástannjuolggadusa 5 § 2 momeantta mielde.

#### 2 §

##### *Bivdolahpeboaduid čilgenja boaduid luobaheapmi stáhtii*

Lohpevuovdimis ovddasvástideaddji oassebealli ferte addit čilgehusa ja luobahit iežas vuovdin ja su lohkuiv vuovduuvvon bivdolojiin čoggon ruđaid sihke dain čoggon reanttu eanan- ja meahccedoalloministeriijai guovtti earis, maŋemustá 30 beaivvi siste čilgehusa addin- ja luobahanáigodaga maŋnel. Vuosttas čilgehusa addin- ja luobahanáigodat guoská geassemánu 30 beaivvi rádjái dáhpáhuvvan mávssuid ja máhcahemiid sihke nubbi mávssuid ja máhcahemiid suoidnemánu 1 beaivvi ja borgemánu 30 beaivvi gaskkas.

#### 3 §

##### *Bivdolahpeboaduid geavahanákkat*

Guolástanbajis 2023 guolástanlobiin čoggon ruđat juhkkujuvvojit guolástanrievtti oamasteaddjiide nu ahte doahttaluvvojit gomihuvvon Deanu guolástansoahpamuša (SopS 94/1989) gustojeaddji geavat ja juohkinprinsihpat ruhtaváriid juohkimis. Juohkinprinsihpat mearriduvvojit jahkái 2023 dađi lági mielde, ahte lohpeboadut juhkkujuvvojit stáhta ja priváhta čáhceguovllu oamasteaddjiid gaska guolástanavádagaid mielde guolástanjándoriid meari ja gáddesárgá guhkkodaga vuodul ja dán maŋnel priváhta čáhceguovlluid oamasteaddjiide

máhcahanvuloš lohpeboadut juhkkovuvvojit guolástanavádagaid mielde guolástanjándoriid meari vuodul.

Stáhtii gullelaš oassi jagi 2023 guolástanlohpeboaduin geavahuvvo lohpevuovdingoluid sihke stáhtii mielddisbuktin guolásteami bearráigeahččogoluid sihke dutkan- ja čuovvungoluid gokčamii.

4 §

*Fápmuiboahhtin*

Dát ásahus boahhtá fápmui miessemánu 25 beaivvi 2023 ja lea fámus juovlamánu 31 beaivvi 2023 rádjái.

Helssegis miessemánu 24 beaivvi 2023

Eanan- ja meahcedoalloministtar Antti Kurvinen

Ráđđádalli virgeolmmoš Tapio Hakaste